

Hispanorum. hos ut uerboru[m] nouae discipline magis-  
tros habent. Ab his tanquam lanistis auariciam,  
cruelitatemq[ue] discunt.

Non minus autem sacrilegium est bibliothe-  
cas, quam Phana diripere. Non enim inter sacras  
res aut diuinias reænsenda sunt, aurea uasa quibus  
in ceremonijs nostris utimur, & non reænsendi  
sunt libri, qui cælestia oracula, qui doctrinam reli-  
gionis, alias honestas artes diuinitus ostensas generi  
humano, continent. Neq[ue] uero usquam bibliothecæ  
& locupletiores sunt ullæ, quam fuerunt Romæ.  
Huc omnis generis scriptores ex toto orbe ter-  
rarum, magna cura bonorum pontificum, conuic-  
ti sunt. Huc nuper adeo, quicquid reliquum fuit li-  
terariæ supelleætilis in tota Græcia, importatum est.  
Hæc monumenta cum æternæ esse debuerint, tamen  
furore militum aliqua ex parte corrupta dicuntur.  
Et haud scio an impia flamma per urbem uagata  
bibliotecas etiam attigerit. O iacturam nullo unq[ue]  
seculo reparabilem. Quot religionis nostræ inter-  
pretes, qui præterea nusquam extant, quot aliarum  
optimarum artium autores missos arbitremur.  
Quis non uehementer dolcat tot seculorum labores,  
tot noctium uigilias a doctis hominibus ad utilitatem  
posicritatis lucubratas, in hanc fortunam incidisse

Statuas.